



SLUŽBENE NOVINE

OPĆINE MAGLAJ

**BROJ
8/17**

Maglaj, 28.7.2017.

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Općinski načelnik
Tel.: 032/609-550; Fax: 032/609-551; E-mail: vijece@maglaj.ba

AKTI OPĆINSKOG VIJEĆA

121.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 34/03 i 65/13), člana 64. Zakona o zdravstvenoj zaštiti ("Službene novine Federacije BiH", 46/10), člana 18. Odluke o postupcima, standardima i kriterijima imenovanja na pozicije u reguliranim organima Općine Maglaj („Službene novine Općine Maglaj“, broj:2/17) i člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08), a nakon dobijene obavijesti Ministarstva zdravstva ZDK broj: 11-37-10340-2/17 od 25.07.2017. godine, d o n o s i

RJEŠENJE

**o privremenom imenovanju predstavnika
Ministarstva zdravstva Upravnog odbora JU
«Dom zdravlja» Maglaj**

I

U Upravni odbor JU «Dom zdravlja» Maglaj na kraći period imenuju se Nermina Krzić, član.

II

Mandat imenovane je privremen do okončanja procedure ponovnog javnog oglasa za imenovanje predstavnika Ministarstva zdravstva najduže do 3 mjeseca.

III

Konačno imenovanje člana Upravnog odbora JU Dom zdravlja Maglaj iz reda predstavnika Kantonalnog Ministarstva zdravstva, izvršit će se nakon ponovljenog javnog oglasa za imenovanje predstavnika Ministarstva zdravstva u navedeni Upravni odbor.

IV

Ovo Rješenje stupa na snagu danom donošenja, a objavit će se u «Službenim novinama Općine Maglaj».

Broj:02-05-1-1444-2/17
Maglaj, 26.7. 2017. godine

**PREDSJEDAVAJUĆA OV,
Svjetlana Zamboni s.r.**

AKTI OPĆINSKOG NAČELNIKA

122.

Na osnovu člana 42. i člana 67. stav 1. Statua Općine Maglaj («Službene novine Općine Maglaj», broj: 8/07, 3/08 i 6/08 te člana 58. Odluke o bezbjednosti/sigurnosti saobraćaja na putevima općine Maglaj («Službene novine Općine Maglaj», broj: 7/08), Općinski načelnik, d o n o s i

RJEŠENJE

o obrazovanju Savjeta za bezbjednost/sigurnost saobraćaja na području općine Maglaj

I

Obrazuje se Savjet za bezbjednost/sigurnost saobraćaja na području općine Maglaj (u daljem tekstu: Savjet) u sastavu:

1. Mirza Mešić – predsjednik
2. Elfrida Mutapčić – član
3. Amel Bradarić – član
4. Sabahudin Salkanović – član
5. Elvira Alić – član

II

Savjet za bezbjednost/sigurnost saobraćaja razmatra:

- Pitanja i daje prijedloge za dugoročnije rješavanje saobraćajne problematike na području općine Maglaj;
- Radi na obogaćivanju vaspitne i obrazovne djelatnosti sa djecom i omladinom u sprovođenju saobraćajno-vaspitnih takmičenja i sl;
- Ostvaruje saradnju kroz koordinaciju sa tijelima koja djeluju u oblasti saobraćaja, te utvrđuje pitanja od značaja za saobraćaj;
- Razmatra pitanja koja su od interesa za normalno odvijanje saobraćaja i daje mišljenje na planove tehničkog regulisanja saobraćaja, planove razvoja, izgradnje, rekonstrukcije i održavanja saobraćajnica i predlaže nadležnim organima donošenje određenih zaključaka;
- Predlaže postavljanje fizičkih prepreka posebnih objekata na putu zbog nepoštivanja brzine;
- Reaguje na potrebu izmjene saobraćajne horizontalne i vertikalne signalizacije;
- Permanentno sa drugim institucijama radi na povećanju bezbjednosti kroz sigurnosti saobraćaja na teritoriji općine Maglaj;
- Predlaže načine uvođenja kamera za nadzor ulazaka i izlazaka iz grada na glavnim

saobraćajnicama i sve drugo što se tiče saobraćaja i puteva kroz općinu;

- Predlaže tehnička rješenja za određivanje parkirališta za određene vrste vozila;
- Daje mišljenje sa rješavanjem problema javnog saobraćaja i prijevoza putnika;
- Obavlja i druge poslove od interesa za bezbjednost saobraćaja.

III

Stručne poslove opsluživanja Savjeta obavlja Služba za urbanizam, geodetske i imovinsko pravne poslove Općine Maglaj.

IV

Lice ovlašteno za stručne i tehničke poslove opsluživanja Savjeta je Sofić Mirsada.

V

Mandat Savjeta je četiri godine, a za svoj rad odgovara Općinskom načelniku i dužno je najmanje jednom godišnje podnijeti izvještaj o svom radu Općinskom načelniku. Za svoj rad članovi Savjeta imaju pravo na naknadu u iznosu koji je predviđen za vijećničke komisije.

VI

Rješenje o obrazovanju Savjeta za bezbjednost/sigurnost saobraćaja stupa na snagu danom donošenja i ima se objaviti u «Službenim novinama Općine Maglaj».

Broj: 01-49-1639/17
Maglaj, 10.07.2017. godine

**OPĆINSKI NAČELNIK,
Mirsad Mahmutagić s.r.**

123.

Na osnovu člana 70. Zakona o organizaciji organa Uprave u FBiH («Službene novine FBiH», broj: 35/05), odredbi Zakona o zaštiti i spašavanju ljudi i materijalnih dobara od prirodnih i drugih nesreća («Službene novine F BiH» broj 39/03, 22/06 i 43/10), Pravilnika o načinu rada i funkcioniranju Štabova i Povjerenika civilne zaštite («Službene novine F BiH» broj:77/06), Odluke Općinskog vijeća Maglaj o osnivanju Općinskog štaba civilne zaštite Maglaj («Službene novine općine Maglaj», broj:2/04) i člana 42. Statuta općine Maglaj («Službene novine općine Maglaj», broj: 8/07, 3/08 i 6/08), Općinski štab civilne zaštite Maglaj na 1. sjednici održanoj 12.07.2017. godine donosi:

POSLOVNIK o radu Općinskog štaba civilne zaštite Maglaj

1. Opće odredbe

Član 1.

Ovim poslovnikom se utvrđuje način rada Općinskog štaba civilne zaštite općine Maglaj (dalje u tekstu: Štab), naročito pripremanje, sazivanje i rad na sjednicama Štaba, donošenje odluka iz njegovog djelokruga rada, prava i dužnosti članova Štaba te drugih pitanja.

Član 2.

Štab obavlja poslove koji proizilaze iz Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH" broj: 39/03, 22/06 i 43/10), Pravilnika o načinu rada i funkcioniranja Štabova i Povjerenika civilne zaštite ("Službene novine F BiH" broj:77/06), te drugih propisa koji uređuju ovu oblast.

Član 3.

Štab obavlja zadatke koji se odnose na prikupljanje i obradu informacija ranog upozoravanja o mogućnosti nastanka prirodne i druge nesreće, razvija plan djelovanja sistema civilne zaštite na svom području, upravlja reakcijom sistema civilne zaštite, obavlja poslove informiranja javnosti i predlaže donošenje o prestanku provođenja mjera i aktivnosti i sistemu civilne zaštite.

2. Organizacija rada Štaba

Član 4.

Sjedište Štaba je u prostorijama općine Maglaj, Viteška 4, 74250 Maglaj ili drugom odgovarajućem prostoru koji odredi Komandant štaba kao i rezervni prostor u slučaju nemogućnosti rada Štaba na navedenoj adresi.

Član 5.

Administrativne i stručne poslove za potrebe Štaba obavlja Služba civilne zaštite Maglaj.

Član 6.

Radom Štaba rukovodi komandant Štaba, a u slučaju njegove spriječenosti ili odsutnosti načelnik Štaba. Kada se proglasi stanje prirodne i druge nesreće komandant Štaba također preuzima rukovođenje Štabom.

Član 7.

Pozivanje članova Štaba na sjednicu obavlja komandant u skladu sa Zakonom o zaštiti i spašavanju i Pravilnikom o načinu rada i

funkcioniranja Štabova i Povjerenika civilne zaštite. Ovisno o okolnostima i procjenama o mogućnosti nastanka prirodne i druge nesreće komandant Štaba može staviti isti u stanje pripravnosti i po potrebi sazvati sjednicu Štaba.

Član 8.

Pozive i materijale za redovnu sjednicu Štaba treba dostaviti najmanje 3 dana prije dana održavanja sjednice.

Član 9.

Komandant Štaba predsjedava sjednicama i utvrđuje prijedlog dnevnog reda. Svi članovi Štaba imaju pravo predložiti izmjenu ili dopunu dnevnog reda, uz obrazloženje prijedloga. U slučaju spriječenosti komandanta, sjednicom predsjedava načelnik Štaba.

Član 10.

Štab, u pravilu, obavlja zadatke uz prisutnost većine članova Štaba, a ovisno o vrsti ugroze može obavljati poslove i zadatke u užem sastavu, o čemu odlučuje komandant Štaba.

Član 11.

Radi umanjenja mogućih posljedica prirodne i druge nesreće komandant Štaba može izdati usmeni nalog ili donijeti odluku za preventivno provođenje prisilne evakuacije.

Komandant Štaba je dužan za usmene naloge iz stava 1. ovog člana donijeti odluku u pismenom obliku, najkasnije u roku od 24 sata od izdavanja usmenog naloga.

Odluka iz stava 2. ovog člana mora sadržavati odredbe o nosiocu provedbe, mjerama, vremenu i prostoru na kojem se provodi mjera prisilne evakuacije.

Član 12.

Štab može od naučnih i drugih institucija, zavoda, javnih poduzeća i ustanova tražiti pružanje stručne pomoći i savjeta, radi poduzimanja učinkovitih operativnih mjera za zaštitu pripadnika operativnih snaga sistema civilne zaštite, građana, materijalnih i kulturnih dobara i okoliša.

Član 13.

Komandant Štaba može odrediti Koordinatora na lokaciji, u skladu karakteristikama vanrednog događaja iz redova operativnih snaga sistema civilne zaštite. Koordinator procjenjuje nastalu situaciju na lokaciji i njezine posljedice na terenu te u saradnji sa Štabom usklađuje djelovanje operativnih snaga sistema civilne zaštite.

Član 14.

O radu na sjednici Štaba vodi se zapisnik u koji se unosi evidencija prisutnih, zaključci, prijedlozi i druga važna pitanja sa sjednice Štaba. Zapisnik iz stava 1. ovog člana potpisuje komandant Štaba. Svaki član Štaba ima pravo tražiti da se njegove izjave i prijedlozi unesu u zapisnik.

Član 15.

Sjednice Štaba su otvorene ili zatvorene za javnost, o čemu odlučuje komandant Štaba, a u slučaju njegove odsutnosti načelnik Štaba.

Član 16.

Sva priopćenja za javnost, vezano uz rad Štaba, daje komandant Štaba, a u slučaju njegove odsutnosti načelnik Štaba ili za to određen član Štaba.

Član 17.

Na kraju godine Štab izrađuje i donosi Program rada Štaba za narednu godinu.

Član 18.

Sredstva za rad Štaba osigurana su u Budžetu/Proračunu općine Maglaj u skladu zakonskim propisima koje uređuje Zakon o zaštiti i spašavanju ljudi i materijalnih dobara od prirodnih i drugih nesreća.

3. Zaključne odredbe

Član 19.

Ovaj Poslovnik stupa na snagu danom donošenja i ima se objaviti u Službenim novinama općine Maglaj.

Broj: 07-44-1- 1412/17

Datum:13.07.2017. godine

KOMANDANT OPĆINSKOG ŠTABA CZ
Mirsad Mahmutagić s.r.

124.

Općinski načelnik na osnovu člana 42. Statuta Općine Maglaj («Službene novine Općine Maglaj», broj: 8/07, 3/08 i 6/08) i Zaključka Općinskog vijeća Maglaj broj: 02-05-1-1132/17 od dana 10.05.2017. godine, donosi

RJEŠENJE

**O formiranju Komisije za izvršenje kontrole
urađenih infrastrukturnih objekata**

Član 1.

Imenuje se Komisija za izvršenje kontrole urađenih infrastrukturnih objekata Općine Maglaj u slijedećem sastavu:

1. Enisa Hatičić – predsjednik
2. Jasminko Kapić - član
3. Nermina Starčević – član
4. Sabina Grahić – član
5. Nermina Muminović – član

Član 2.

Komisija ima zadatak da:

- Uradi detaljnu analizu utroška namjenskih sredstava za sanaciju, izgradnju infrastrukturnih objekata, kao i analizu utroška sredstava iz Budžeta Općine Maglaj za sanaciju, izgradnju infrastrukturnih objekata, puteva, igrališta, kanalizacija, vodovoda, klizišta u 2016. godini.
- Izvršiti kontrolu urađenih infrastrukturnih objekata sa količinama iz ugovora i usaglašenim količinama za plaćanje odnosno fakturisanje u iznosima.

Član 3.

Komisija iz člana 1. ovog Rješenja radi i odlučuje na sjednicama koje saziva predsjednik Komisije, a u njegovom odsustvu jedan od članova kojeg on ovlasti.

Član 4.

Stručne poslove opsluživanja Komisije obavlja Služba za urbanizam, geodetske i imovinsko-pravne poslove i Služba za privredu, finansije/financije i razvoj poduzetništva.

Član 5.

Ovo Rješenje stupa na snagu danom donošenja.

Broj: 01-49-1791/17

Maglaj, 25.07.2017.godine

OPĆINSKI NAČELNIK,
Mirsad Mahmutagić s.r.

125.

Općinski načelnik na osnovu člana 42. Statuta Općine Maglaj («Službene novine Općine Maglaj», broj: 8/07, 3/08 i 6/08) donosi

R J E Š E N J E
o formiranju Komisije za kontrolu objekata
proglašenim totalnom štetom uslijed
poplava/klizišta

Član 1.

Imenuje se Komisija za kontrolu objekata proglašenim totalnom štetom uslijed poplava/klizišta u slijedećem sastavu:

1. Anto Maglica – predsjednik
2. Enisa Hatičić – član
3. Ferhat Bradarić – član
4. Nermina Muminović – član

Član 2.

Komisija ima zadatak da:

- Izvrši kontrolu i obilazak objekata proglašenim totalnom štetom uslijed klizišta/poplave na području općine Maglaj.
- Utvrdi činjenično stanje na dan obilaska.
- Podnijeti Izvještaj Općinskom načelniku u roku od 20 dana od dana obilaska.

Član 3.

Komisija iz člana 1. ovog Rješenja radi i odlučuje na sjednicama koje saziva predsjednik Komisije, a u njegovom odsustvu jedan od članova kojeg on ovlasti.

Na sjednicama Komisije vodi se zapisnik kojeg potpisuju svi članovi Komisije.

Član 4.

Stručne poslove opsluživanja Komisije obavlja Služba za privredu, finansije/financije i razvoj poduzetništva i Služba Civilne zaštite.

Član 5.

Ovo Rješenje stupa na snagu danom donošenja.

Broj: 01-49-1792/17
Maglaj, 25.07.2017.godine

OPĆINSKI NAČELNIK,
Mirsad Mahmutagić s.r.

AKTI DRUGIH USTANOVA

126.

Na osnovu člana 234. tačka k. , člana 247. i 250. a u vezi sa članom 303. Zakona o privrednim društvima («Službene novine Federacije BiH», broj: 81/15), i člana 18. i 19. Statuta Komunalnog javnog društva d.o.o. Maglaj, Prva vanredna Skupština Komunalnog javnog društva d.o.o. Maglaj održana dana 26.07.2017.godine, donosi

ODLUKU

o razrješenju predsjednika i članova Nadzornog odbora Komunalnog javnog društva d.o.o. Maglaj imenovanih na kraći period

Član 1.

Razrješavaju se dužnosti predsjednik i članovi Nadzornog odbora Komunalnog javnog društva d.o.o. Maglaj imenovani na kraći period, radi isteka perioda na koji su imenovani , i to:

1. Mulić Osmić Alma, predsjednik
2. Gračić Alija, član
3. Čičkušić Dževad, član.

Član 2.

Ova Odluka stupa na snagu danom donošenja i objavit će se u «Službenim novinama Općine Maglaj».

Broj: 01-587/17
Maglaj, 26.07.2017. godine

**PREDSJEDNIK Skupštine Društva
Sadina Bašić s.r.**

127.

Na osnovu člana 234. tačka k. , člana 247. i 250. a u vezi sa članom 303. Zakona o privrednim društvima («Službene novine Federacije BiH», broj: 81/15), člana 9. Zakona o javnim preduzećima u Federaciji Bosne i Hercegovine («Službene novine Federacije BiH», broj: 8/05, 81/08, 22/09 i 109/12) i člana 18. i 19. Statuta Komunalnog javnog društva d.o.o. Maglaj, Prva vanredna Skupština Komunalnog javnog društva d.o.o. Maglaj održana dana 26.07.2017.godine, donosi

ODLUKU

o imenovanju članova Nadzornog odbora Komunalnog javnog društva d.o.o. Maglaj

Član 1.

Za članove Nadzornog odbora Komunalnog javnog društva d.o.o. Maglaj imenuju se:

1. Armin Banjić, član ispred državnog kapitala – osnivača Općinskog vijeća Općine Maglaj
2. Jasko Obralić, član ispred državnog kapitala – osnivača Općinskog vijeća Općine Maglaj
3. Sanela Hadžišehić, član ispred grupe vlasnika odjela sa više od 5% udjela u osnovnom kapitalu društva.

Član 2.

Mandat članova Nadzornog odbora Komunalnog javnog društva d.o.o. Maglaj traje 4 (četiri) godine, od dana imenovanja, s tim da po isteku perioda od dvije godine od dana imenovanja Skupština Društva glasa o povjerenju članovima Nadzornog odbora.

Član 3.

Nadzorni odbor iz člana 1. ove Odluke će na prvoj konstituirajućoj sjednici Nadzornog odbora, jednog od svojih članova izabrati za predsjednika.

Član 4.

Ova Odluka stupa na snagu danom donošenja i objavit će se u «Službenim novinama Općine Maglaj».

Broj: 01-588/17
Maglaj, 26.07.2017. godine

**PREDSJEDNIK Skupštine Društva
Sadina Bašić s.r.**

SADRŽAJ

AKTI OPĆINSKOG VIJEĆA

1. RJEŠENJE o privremenom imenovanju predstavnika Ministarstva zdravstva Upravnog odbora JU «Dom zdravlja» Maglaj 285

AKTI OPĆINSKOG NAČELNIKA

1. RJEŠENJE o obrazovanju Savjeta za bezbjednost/sigurnost saobraćaja na području općine Maglaj 286
2. POSLOVNIK o radu Općinskog štaba civilne zaštite Maglaj 286
3. RJEŠENJE o formiranju Komisije za izvršenje kontrole urađenih infrastrukturnih objekata 288
4. RJEŠENJE o formiranju Komisije za kontrolu objekata proglašenim totalnom štetom uslijed poplava/klizišta 289

AKTI DRUGIH USTANOVA

1. ODLUKA o razrješenju predsjednika i članova Nadzornog odbora Komunalnog javnog društva d.o.o. Maglaj imenovanih na kraći period 290
2. ODLUKA o imenovanju članova Nadzornog odbora Komunalnog javnog društva d.o.o. Maglaj 290